

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“ broj 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 32. sjednici održanoj dana 29.10.2015. godine, d o n o s i

ZAKLJUČAK

I.

Utvrđuje se Prijedlog odluke o proglašenju 29. oktobra Danom civilnih žrtava rata Zeničko-dobojskog kantona.

II.

Prijedlog odluke iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/15.

Datum, 29.10.2015. godine

Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Stručna služba Skupštine

1x a/a.

PRIJEDLOG

Na osnovu člana 37. tačka f) Ustava Zeničko-dobojskog kantona ("Službene novine Federacije BiH", broj 7/96, „Službene novine Zeničko-dobojskog kantona“, broj: 1/96, 10/00, 8/04 i 10/04), Skupština Zeničko-dobojskog kantona, na ____ sjednici održanoj dana ____ . ____ . 2015. godine, d o n i j e l a j e:

O D L U K U **O PROGLAŠENJU DANA CIVILNIH ŽRTAVA RATA ZENIČKO-DOBOJSKOG KANTONA**

Član 1. **(Predmet)**

Proglašava se 29. oktobar Danom civilnih žrtava rata Zeničko-dobojskog kantona.

Član 2. **(Program obilježavanja)**

Program obilježavanja Dana civilnih žrtava rata Zeničko-dobojskog kantona donosi Ministarstvo za rad, socijalnu politiku i izbjeglice na prijedlog Saveza civilnih žrtava rata Zeničko-dobojskog kantona.

Član 3. **(Stupanje na snagu)**

Odluka stupa na snagu osmog dana od dana objavljivanja u „Službenim novinama Zeničko-dobojskog kantona“.

PREDSJEDAVAJUĆA

Draženka Subašić, s.r.

Broj: _____/15
Datum, __. __. 2015. godine
Zenica

O b r a z l o ž e n j e
Odluke o proglašenju
Dana civilnih žrtava rata Zeničko-dobojskog kantona

Pravni osnov

Pravni osnov za donošenje ove Odluke sadržan je u odredbama člana 37. tačka f) Ustava Zeničko-dobojskog kantona ("Službene novine Federacije BiH", broj 7/96, „Službene novine Zeničko-dobojskog kantona“, broj: 1/96, 10/00, 8/04 i 10/04).

Ministarstvo za pravosuđe i upravu u prethodnom postupku dalo je svoje mišljenje da nema primjedbi na dostavljeni Prijedlog odluke.

Sekretarijat za zakonodavstvo nema formalno-pravnih primjedbi, a Ministarstvo finansija je u svom stajalištu ukazalo na obavezu planskog opredjeljenja eventualno potrebnih sredstava za ovu namjenu.

Razlozi za donošenje

Zaključkom Skupštine Zeničko-dobojskog kantona, broj: 01-41-14480/15 od 16.07.2015. godine prihvaćena je Inicijativa poslanika Nermina Kadrića da se 29. oktobar proglasi Danom civilnih žrtava rata Zeničko-dobojskog kantona.

Istim Zaključkom zaduženo je Ministarstvo za rad, socijalnu politiku i izbjeglice Zeničko-dobojskog kantona i Vlada Kantona da u skupštinsku proceduru dostave odgovarajući akt u smislu prihvaćene Inicijative.

S obzirom na stajalište da su se o datumu proglašenja Dana civilnih žrtava rata trebala očitovati sva općinska udruženja civilnih žrtava rata sa područja našeg Kantona, Ministarstvo za rad, socijalnu politiku i izbjeglice u prethodnim aktivnostima koordiniralo je na usaglašavanju stavova udruženja po pitanju datuma obilježavanja Dana civilnih žrtava rata Zeničko-dobojskog kantona. Nakon svih provedenih aktivnosti usaglašeni su stavovi UG Civilnih žrtava rata Općine Maglaj, Općinskog udruženja građana i članova porodica civilnih žrtava rata Zenica i UG Civilnih žrtava rata Općine Doboj-Jug da se 29. oktobar proglasi kao Dan civilnih žrtava rata Zeničko-dobojskog kantona.

Postupajući u skladu sa citiranim Zaključkom Skupštine Zeničko-dobojskog kantona predlažemo da se u skupštinskoj proceduri donese Odluka u predloženoj formi.

Finansijska sredstva

Za provođenje Odluke nije planirano obezbjeđenje finansijskih sredstva iz Budžeta Zeničko-dobojskog kantona za 2015.godinu.

Zenica, oktobar 2015. godine